




Confederación
Intersindical
Galega

Regulamento do congreso



Congreso
24 maio 2025



Sindicalismo nacionalista e de clase

Regulamento IX Congreso

Artigo 1.- Orde do día

1. Recepción de congresistas. Entrega de credenciais, relatorios, informe da Executiva Confederal, informe de Contas e informe da Comisión de Garantías.
2. Debate e votación do Regulamento das sesións congresuais.
3. Apertura do Congreso.
4. Informe da Executiva Confederal (levará adxunto o informe de Contas). Debate e votación.
5. Elección da Mesa Presidencial.
6. Relatorio de organización e estatutos. Debate e votación.
7. Relatorio de acción sindical. Debate e votación.
8. Eleccións.
9. Resolucións especiais.
10. Sesión de clausura.

Os horarios, descansos, etc., para o desenvolvemento desta orde do día fixaraos a Mesa presidencial, a proposta da Comisión de Organización do 9º Congreso.

Artigo 2.- Servizo de organización

Existirá un servizo de organización, composto de afiliación que non é congresista, que atenderá os aspectos técnicos e organizativos necesarios (reconto de votacións a man alzada, información a persoas congresistas e convidadas, control de acceso aos plenos e outros servizos). Este servizo artellarao a Comisión de Organización e, ao que se inicie o Congreso, estará baixo a responsabilidade da Mesa Presidencial.

Artigo 3.- Mesa Presidencial

O Congreso estará presidido por unha Mesa Presidencial integrada por un total de 16 membros. Esta Mesa presidencial será elixida por 2/3 das persoas congresistas presentes, a proposta da Executiva Confederal. No caso de que a devandita proposta non acadase os 2/3, a Executiva fará novas propostas até un máximo de tres veces. De seguir sen se acadar maioría suficiente, poderá facerse outra proposta, a iniciativa de como mínimo o 20% das persoas congresistas; nesta votación será suficiente co apoio da metade máis un das persoas congresistas. A Mesa presidencial designará de entre os seus membros 7 persoas, unha para exercer a Presidencia, dúas para exercer as funcións de Secretaría e catro para a de moderación dos debates.

As votacións para formar a vontade da Mesa resolveranse por maioría e, no caso de empate de dúas votacións consecutivas sobre o mesmo tema, decidirá o pleno do Congreso.

Ademais das funcións que figuran neste Regulamento, a Mesa Presidencial exercerá como dirección da CIG até a elección da nova Executiva Confederal.

No caso de actuación anómala, a Mesa poderá ser revogada pola maioría simple do Congreso, a proposta como mínimo do 20% de congresistas, podéndose presentar a proposta de revogación nun máximo de dúas ocasións.

A Mesa presidencial terá tamén a facultade de interpretación deste Regulamento.

Artigo 4.- Mesa de relatorios

O informe da Executiva Confederal será presentado e defendido polo Secretario Xeral da CIG. Os relatorios de organización e de acción sindical serán defendidos polas respectivas

1 persoas relatoras. No caso de existir algún relatorio alternativo, tras unha exposición por
2 parte das persoas relatoras tanto do relatorio oficial como do alternativo, serán sometidos
3 a unha votación global do pleno do Congreso, quedando como relatorio base de debate o
4 que obteña maior número de votos.

5 6 **Artigo 5.- Sesións plenarias**

7 O Congreso desenvólvese totalmente en sesións plenarias e públicas. Porén, de se
8 establecer algún debate que a Mesa presidencial considere que polo seu carácter debe
9 ser estritamente interno, esta poderá propor ao pleno do Congreso o declarar pechada
0 algunha sesión, parcial ou totalmente, tendo que contar a devandita proposta co respaldo
11 da maioría simple dos e das congresistas.

12 13 **Artigo 6.- Persoas convidadas e medios de comunicación**

14 As delegacións convidadas, as persoas convidadas a título individual e os medios de
15 comunicación, poderán asistir a todas as sesións do Congreso, dependendo a súa atención
16 da Mesa presidencial. Esta poderá realizar as roldas informativas que considere oportuno.

17 18 **Artigo 7.- Votacións**

19 As votacións no Pleno realizaranse a man alzada, levantando as tarxetas de identificación
20 as persoas congresistas. Está exceptuada desta norma a elección de órganos e cargos,
21 que se fará mediante papeletas secretas e individuais.

22 23 **Artigo 8.- Emendas**

24 Cada emenda será defendida no pleno por cada unha das persoas portavoces nomeadas
25 para este fin nas asembleas comarcais de congresistas, en que foi debatida e suficientemente
26 apoiada. Non se admitirán emendas in voce.

27 Os membros da Mesa que teñan emendas para a súa defensa deberán abandonala
28 para intervir desde o pleno. As cuestións de orde non poderán motivar intervencións orais,
29 senón que a persoa congresista deberá pasarlhas por escrito á Mesa, a cal resolverá de
30 conformidade co sinalado no artigo 3.

31 32 **Artigo 9.- Mecánica de debate no pleno**

33 A Mesa establecerá o tempo máximo dispoñíbel por persoas relatoras e portavoces, en
34 cada caso, segundo os horarios prefixados para cada punto da orde do día.

35 O informe da Executiva Confederal, unha vez presentado, será sometido a debate en
36 réxime aberto, distribuíndo a Mesa o tempo dispoñíbel entre todas as persoas congresis-
37 tas que queiran intervir. Unha vez rematada por parte do Secretario Xeral a súa quenda de
38 respostas ás devanditas intervencións, o informe será sometido a votación do pleno, tendo
39 que contar para a súa aprobación co respaldo da maioría simple.

30 No tocante á dinámica de debate dos relatorios, farase unha exposición inicial por parte
41 das persoas relatoras indicando as emendas recibidas e as conclusións tiradas sobre estas.
42 Seguidamente, pasarase á súa discusión, apartado por apartado, indicando por parte das
43 persoas relatoras aquelas emendas que foron admitidas, as propostas de transaccionais,
44 se houber, e as que foron rexeitadas.

45 Con respecto ás emendas admitidas polas persoas relatoras daranse por aceptadas, a
46 non ser que calquera congresista queira manter o texto orixinal; neste caso someteranse
47 á votación do pleno.

Respecto das transaccionais, unha vez escoitada a opinión da persoa emendante, se esta fose aceptada por esta e ninguén mantivese o texto orixinal, daríase por aprobada. Se a devandita transaccional fose rexeitada pola emendante ou alguén mantivese o texto orixinal, deberá someterse a votación do pleno tanto a transaccional como a emenda.

Respecto ás emendas rexeitadas, intervirán en primeiro lugar as persoas portavoces das emendas para facer unha defensa destas e despois daránlle contestación as relatoras. A Mesa presidencial poderá establecer até dúas quendas de intervencións por emenda, segundo a importancia da emenda e o tempo dispoñíbel para debate desta.

De acordo cos Estatutos, para a modificación de determinados artigos as propostas ou emendas presentadas deberán obter apoio dos dous terzos de congresistas presentes na votación; no caso de non ser así, as devanditas emendas decaerían. Finalmente, os relatorios definitivos, unha vez debatidas e votadas todas as emendas, someteranse a unha votación global do pleno, precisándose para a súa aprobación do voto favorábel da metade máis un de congresistas.

Artigo 10.- Resolucións especiais

Deberán presentarse por escrito diante da Mesa presidencial do Congreso, podendo facelo calquera congresista sempre que conte co aval de 60 congresistas presentes, ou algún dos seguintes organismos da CIG: Executiva confederal, Executivas de Unión Comarcal, Executivas Nacionais de Federación, nas referidas aos seus ámbitos de actuación. O prazo de presentación remata ás 16 horas do propio día do Congreso. A Mesa decidirá se a cuestión está xustificada e, nese caso, someteraa a debate do pleno, delimitando o tempo de debate, pasándoa finalmente a votación, tendo que contar para ser aprobada co apoio da maioría simple de congresistas.

Artigo 11.- Elección de órganos e cargos

A elección de órganos e cargos realizarase segundo as normas estatutarias que resulten aprobadas polo 9º Congreso da CIG. A Mesa comunicará ao Pleno do Congreso as candidaturas presentadas e validadas pola Comisión de Organización do Congreso e resolverá as posíbeis reclamacións presentadas polas persoas promotores daquelas candidaturas que non fosen validadas.

Aprobados os Estatutos, a Mesa comunicará ás persoas promotoras das distintas candidaturas a necesidade das posíbeis correccións a realizar, de acordo coas normas estatutarias. O prazo para facer chegar á Mesa as posíbeis correccións estenderase, como máximo, até 30 minutos despois de se iniciar a sesión de tarde do Congreso.

A propia Mesa actuará de mesa electoral e os seus membros poderanse subdividir en varias mesas electorais para unha maior operatividade. As mesas farán o escrutinio publicamente e a Mesa presidencial proclamará os resultados globais diante do pleno.

Cada candidatura poderá designar unha persoa que actúe como interventora en cada unha das mesas.

A Mesa presidencial habilitará todos os medios necesarios para unha correcta votación.

Artigo 12.- Actas, depósito e publicidade

As actas do Congreso serán elaboradas e aprobadas pola Mesa presidencial. Depositáranse, na oficina pública correspondente, as actas parciais en que figuren a composición dos órganos electos e as modificacións estatutarias aprobadas.

Os relatorios e resolucións aprobadas no 9º Congreso serán editadas para coñecemento de toda a afiliación da CIG.